

广东通志

广东通志

廣東通志卷二百四十

甲子重刊

宦績錄十

宋五

靳懷德

孔昂

崔立

齊唐

張亞卿

徐九思

韋經

陳康年

沈造

陳鶴

唐開

張夔

歐陽直卿

李椿

傅烈

徐天麟

王胄

曾逢龍

藍通判

趙希呂以上判官

蕭律

蕭世範

蘇邁

徐的

彭商老

黃樞梁滿

李華

何大正

魏國梁

鄭格以上推官

林勲

林杆

石安民

李韶

許之選

李茂先

洪芹

以上教授

凌皓

胡衍

陸起

嚴顥

李亨伯

周諤

林黃中

李巖

李朴

張本中

李守柔

高登

姚孝資

上官粹中

許巽

曾造

張勲

宋鈞

蕭鱗

上官謐

鄭勲

吳懿德

許巨川

程琳

顏公衮

梁益謙

趙善鄒

楊觀春

洪伯清

陶節夫

樓海

王必誠

毛士毅

曾誼

李若水

鄭光祖

劉芳遠

以上知縣

方驥之

縣丞

廖居仕

米芾

羅維藩

黃朴

侯昌

以上縣尉

葉禺

顏師魯

羅從彥

徐干能

鄭夢獅

毛溫以上主簿

虞輔國

李憲武職

宋五

靳懷德博州高唐人祖昌範殿中丞父隱禹城令

懷德太平興國中明法解褐廣安軍判官秩滿授

鴻臚寺丞歷著作佐郎太子左贊善大夫通判相

州改殿中丞通判廣州懷德本名湘素遊寇準之

門準父名湘景德中準方爲相懷德乃改名焉俄

知滄州大中祥符三年秋以江左旱歉命爲洪處

十州安撫都監未至任改知曹州明年春選爲益

州鈐轄人拜西上閣門使改領昭州刺史知澶州

懷德厯官強幹頗著政績使車往復多稱譽焉

宋史

本傳

孔勗兖州人至聖四十四代孫進士及第以殿中丞通判廣州有廉名真宗東封時躬詣孔子祠帝問宰相孔氏今孰知名或言勗有治行卽召對擢太常博士知曲阜縣瀕行番人爭持珠寶以獻並慰遣之後以工部侍郎致仕卒年八十九子道輔

御史中丞以直名

郝志

崔立字本之開封鄆陵人中進士第進殿中丞厯通判廣州立性淳謹尤喜論事大中祥符間帝旣封禪士大夫爭奏上符瑞獻贊頌立獨言水發徐

州旱連江淮無爲烈風金陵火天所以警驕惰戒淫佚也區區符瑞尙何足爲治道言哉前後上四十餘事以右諫議大夫知耀州改知濠州遷給事中告老進尙書工部侍郎致仕卒識韓琦於布衣以女妻之人嘗服其鑒云

宋史本傳

齊唐字祖之會稽山陰人登天聖八年進士第爲南雄州簽判交趾進麒麟唐據史傳非之斥蠻人

給中國衆服其博物以職方員外郎致仕

黃志

張亞卿廣西洛容人積學善文皇祐初第進士官

至朝議郎通判廉州有善政

同上

徐九思字公謹崇安人登進士調蘄水尉歷知雙

流宣化南陵三縣時趙抃唐介交薦入判三司坐忤時相通判廣州嘗與進士梁杞建議立香山鎮爲縣以便徵役神宗召對面賜褒諭有老成練事之稱旣而王安石以其譏議新法又附司馬光坐廢十餘年元祐初召爲江淮等路發運判副使致仕有新豐集若干卷行世

建寧舊志

韋經宜州人大觀中舉進士通判雷州有善政

黃志

陳康年字季昌晉江人政和壬辰舍選知海陽潮陽二縣捐俸金代逋賦運私穀賑飢年當路交薦通判潮州行郡事寇黎盛犯境嚴備卻之厯官二紀公廉如一日孫謙淳熙中登第爲興化軍教授

同上

沈造字次仲縉雲人政和中進士及判湖時有韓山神歲須男女以祭造至卽焚其廟毀像得巨蛇殺之凶祀遂絕議者以方韓昌黎之驅鱷云

浙江通志

陳鶴字聞野莆田人宣和六年進士歷惠州僉判親典教事執經者數百人乃捐鹽倉籬頭錢置學田以增廩又表置學官轉判廣州值海寇猖獗帥遣鶴督捕襲擒三百餘人官兵貪功請悉誅戮鶴原其脅從者二百餘人卒於官

福建通志

唐開江華人建炎初第進士通判廉州治績著稱

于時

黃志

張夔字致堯海陽人通判廉州至先誓神秋毫無
取時山寇竊發檄諭之以禍福令歸農不旬日間
盜皆投去高宗書其名于屏曰南有張夔北有周
昕紹興二十年知新州時學校自舍法罷士習委
靡夔至重修郡庠優加廩餼暇日至學與諸生徒
執經問難他郡學者聞風而至所著有祿隱集上同
歐陽直卿字溫叟仙遊人也以張浚特薦爲惠州
軍事推官白郡守以河源餘菽麥令輸送而海豐
瘠土聽計直而輸之郡白之部使者歲率以爲常
自清漳以南山谷多剽鹵守將尸居龍川卒有警
而他郡分屯者不卽下直卿數走龍川面數纖悉

復厯阻隘見將校道勞苦自是多感慨爲之擊賊

遷海陽令以憂去改知漳浦縣直卿素有能聲所

至號爲易治復求僉判惠州轉通判台州卒

興化志

李椿字壽翁永平人進士隆興間任廉州通判守

官清慎不陵不援人語以私輒峻拒之時稱廉惠

通判以敷文閣待制致仕

郝志

傅烈字承仲晉江人以易學名家他諸經史皆淹

貫慶元五年擢進士第試中教官科厯南劍惠州

教授講經必終篇帙程又揭小去取矩矱整飭改

秩知保昌縣通判循州憫鹽鈔抑配屬邑之擾招

誘商筏平直售之不取贏自潤民懷其惠差知梅

廣惠通志卷一百四十一
州未上卒

泉州志

徐天麟字仲祥得之仲子開禧進士調撫州教授累遷武學博士召對言人主當持心以敬通判惠潭二州權英德府所至興學明教有惠政著有兩漢會要七十卷漢兵本末一卷西漢地理疏六卷山經三十卷既謝官作亭蕭灘之上畫嚴子陵像事之以自況

黃志

王胄字希戴永春人嘉定十六年省試第一連登進士調惠州教授入爲太學正遷博士禮闈校藝諫官同典舉欲私所厚以險怪之作冠多士胄識其文曰必某人也典舉色沮易寘次列而心銜之

揭曉以劾罷通判惠州羅浮山水之勝題詠殆遍

歲餘卒于官

同上

曾逢龍寧都人開慶初進士爲新會令能以忠義
自許爲政有循良風景炎元年六月元酋呂師夔
遣其將黃世雄寇廣州經略使徐直諒遣郡人李
性道領兵拒之性道降于世雄受虜官爵秋九月
東莞民熊飛復廣州世雄遂遁會逢龍率鄉兵禦
虜亦至州城性道迎謁祈哀逢龍擒而誅之時端
宗在閩聞其功降勅嘉獎擢韶州通判未幾師夔
復入寇連韶諸州守皆降制置使趙潛遣逢龍往
南雄拒之與虜兵遇力戰不敵知必被執乃正冠

廣惠通志卷二 官制
裳縊而死贈龍圖閣學士

粵大記

藍通判失其名景炎二年倖惠元兵至城下衆皆

束手詣降獨藍帥民兵數百拒之力戰而死

郝志

趙希呂通判雷州慨前人之政有廢而不舉者於

是築缺堤浚湮渠大興水利紹何戴之績焉

黃志

蕭律新喻人景德間明經及第爲廣州司法民有

犯銅論死者百餘人惟杖遣之民頌其寬

同上

蕭世範龍泉人嘉祐中進士爲南雄推官憫運夫

之苦制小車以代一車可勝數人之載公私便之

遷廣西轉運判官

江西通志

蘇邁字伯達眉州人文忠公軾之長子知仁化縣

文章政事綽有父風以政最遷雄州防禦推官仁

化人祀邁于名宦祠至今猶存焉黃志曰邁東坡長子侯鯖錄

豪邁不及其父而問學語言亦勝他人子也少年作詩云葉隨流水知何處牛帶寒鴉過別村先生見之笑曰此村長官詩後東坡貶惠州伯達求韶之仁化令以便饋親果卒于官今按宋史邁官終駕部員外郎非卒于仁化也小說不足信類此

徐的字公準建州建安人擢進士第補欽州軍事

推官欽土煩鬱人多死瘡瘍的見轉運使鄭天監

請曰徙州瀕水可無患請轉而上聞從之天監因

奏畱的使辦役的短衣持挺與役夫同勞苦築城

郭立樓櫓以備戰守畫地居軍民爲府舍倉庫溝

渠廛肆之類民皆便之累遷尙書屯田員外郎知